

turstwa w klóštrje Marijnej Hwězdze žadał, po trěbnym wozjewjenju ćerpjeć. Tohodla wotwoła jeho budyšski biskop-tachant znowa do dioecesy a to do Radworja. Bohužel běše nimoměrne napinanje, njedzak a falšne wobskoržowanje w Kulowje hižo khorowatosć zawinowało, tak zo njeboh Nowak na zahorjenje mozhow khory do Radworja 10. měrcy přijědže a tam při wšej lékařskej pomocy 13. měrcy zemrě!

Jeho pohrjeb 17. měrcy běše při wšom sněhowym mječelu wulkotny a mócnje pohnuwacy; přetož ze wšěch serbskich wosadow přińdžechu přewodžerjo a z Kulowskeje někotre sta ludzi, mjez nimi měšćanosta, wotdžělenje měšćanskich třělcow a towařstwo rjemjeslniskich atd. Pohrjebny kondukt wjedžeše farań Hórnik z Budyšina a k. kapłan Skala měješe pohrjebne předowanje we farskej cyrkwi; k tomu běchu džesaćo družicy duchowni přítomni. Njeboh duchowny zawostaji swojeju staršeju, bratrow a sotry. Njech po swěrnym džěle wotpoćuje w Božim měrje!

Jurij Nowak narodži so w Njebjelčicach, hdžež bě hač do njedawna jeho nan šulski wučer a kantor. Wón wopytowaše najprjedy doma a potom w Budyšinje šulu a bu do seminara w Praze přijaty. Wot 11. hapryla 1877 duchowny skutkowaše w Budyšinje hač do swojeho přesydlenja do Kulowa.

Wón běše rad mjez Serbami džěławy. Spisa někotre krótke nastawki do Kath. Pósta a předstowo k něhdušej Lipje Serbskej 1878. Našej Maćicy bě porjadny sobustaw a wot septembra 1883 hač do meje 1884 zastupny pismawjedžer, w towařstwje ss. Cyrilla a Methodija někotre měsacy jako pokładnik słužeše. Tež bě sobustaw towařstwa Pomocy za studowanych Serbow a Bjesady. Wšudže jeho česćachu a lubowachu. Jeho wopomnjeće wostanje mjez nami w česći!

Michał Hórnik.

## Dary za dom M. S.

Wot 1. oktobra 1885 do 1. hapryla 1887 su dale darili w hriwnach: kkk. z Kašec: Cyž 3, Nowak 0,50, Kral 0,10; ze Žuric: Miławš Cyž 4, Stranc 2, Pjeh 2, Rabowa 2; z Kanec: Cyž 3, Čórlích 3, P. Libš 6, Kocor 2; z Jawory: M. Čórlichowa 5, Wawrik 3,